

DE  
**MACHINIS**  
 IN GÉNÈRE.  
 AVCTORE  
**L. EYLERO.**

§. I.

**C**um disciplinae Mathematicae semper ob certitudinem et perspicuitatem, qua reliquis artibus longe antecellunt, magni sint aestimatae et collaudatae, tum imprimis propter summam utilitatem, quam ad commune vitae commodum afferre videntur, omni honore, studiisque hominum dignissimae sunt habitae. Quem ad modum enim vix vllum vitae generis Arithmetica carere potest, neque pauca Geometriae cognitionem requirunt, atque Astronomia ad vitam commode instituendam plurima adminicula suppeditat; ita Mechanicae vsus latissime patet, cum pleraeque artes ope Machinarum, quarum inuentio et perfectio Mechanicae debetur, absoluuntur. Quos insignes vsus cum sola Matheſis elementaris, quae iam a longo tempore est inuenta et pertractata, praestare putetur, non leues inde obiectiones contra utilitatem Matheſeos subtilioris, quae hoc imprimis seculo excoli est coepta, opponi solent; quod ab vsu populari abhorreat, nimisque sit ardua, quam vt vllum ex ea commodum in commune bonum redundare possit.

§. 2. Quamquam autem incrementa Astronomiae aliarumque Matheſeos partium, quae recentiori Analyſi sublimiori dictae accepta sunt referenda, eam ab istis obiectionibus

nibus iam satis superque vindicare videntur; tamen ipsa Mechanica vulgaris, quae in Machinis instruendis et explicandis versatur, summam Analyseos non solum utilitatem, sed etiam necessitatem, clarissime evincit. Quaecumque enim in Mechanica de natura et usu Machinarum tradit solent, tam sunt imperfecta; et plerumque omni fundamento destituta, ut maxime mirandum sit, communem opinionem de eius eximio usu tamdiu sustentari potuisse: hic autem defectus nulli alii causae, nisi ignorantiae Analyseos sublimioris, adscribi potest, quippe cuius adminiculo demum cognitio Machinarum perfici, atque ad exoptatum usum in vita communi accommodari queat.

§. 3. Maxime autem vulgarem Mechanicae doctrinam de Machinis esse imperfectam, iam pridem, non obscure, qui in Machinis elaborandis sunt occupati, animadverterunt. Quantumvis enim novae cuiuspiam Machinae structura principiis Mechanicae conformis videatur, tamen de eius effectu vix quicquam ante polliceri licet, quam experientiae approbatio accesserit: et, quamquam saepe hi, qui multum operae studiique in Machinis construendis consumserunt, tantam sagacitatem longo usu sint adepti, ut de effectu earum certo pronunciare audent, antequam experientiam consuluerint, tamen tantum abest, ut hoc scientiae ipsorum Theoreticae tribui possit, ut potius soli experientiae adscribi debeat. Hinc qui solis regulis, quae vulgo in Mechanicae elementis tradi solent, imbutus ad Machinarum fabricam se accingit, de earum successu vel nihil praedicere valebit, vel spe concepta saepissime frustrabitur. Ex quibus clarissime perspicitur, cognitionem Machinarum vulgarem, qualis in Mechanicae elementis

ex-

exponitur, maxime esse mancā, nihilque minus quam Theoriae nomen mereri.

§. 4. Cum autem ii, qui nihilominus cognitionem Machinarum Theoreticam profitentur, eamque aduersus obiectiones practicorum defendere sustinent, hunc defectum ac perpetuum fere ab experientia diffensum tollere nequeant, omnem culpam in frictionem transferre solent; hacque sola effici, vt Machina alioquin secundum praecepta Mechanicae diligentissime instructa saepe numero sperato effectu excidat. Quamquam autem frictio actionem Machinarum non mediocriter perturbat, tamen immerito omnis culpa in eam transferatur. Cognitionis enim Machinarum, quae vulgo ab his hominibus ostentatur, tam est imperfecta, vt etiamsi nulla omnino frictio adesset, tamen nihil quicquam de effectu Machinarum accurate definiri posset. Hunc igitur summam Mechanicae vulgaris defectum hic diligentius expendere, et quem ad modum per solam Analysem sublimiorem tolli possit, vberius explicare constitui; cum vt insignem huius nouae Matheseos partis utilitatem, quae vulgo in dubium vocari solet, luculenter ob oculos ponam, tum vero imprimis, vt doctrinam ipsam de Machinis pro viribus perfectiorem reddam.

§. 5. Primum igitur vniuersa de Machinis doctrina vulgo principiis aequilibrīi superstrui solet: quibus magnitudo ac directio virium determinatur, quae obiecto cuiusque applicatae in aequilibrio consistunt. Hinc proposita quaecunque Machina, in Mechanica vulgari nihil aliud inuestigatur, praeter rationem vis sollicitantis ad onus superandum; quae ad statum aequilibrīi requiritur: ita si vis alteri vectis termino, pondus vero alteri sit applicatum

tum, demonstratum est ad aequilibrium obtinendum, vix ad pondus rationem reciprocam distantiarum ab hypomochlio tenere oportere. In Machinis autem vtcunque compositis ex iisdem principiis proportio inter vires sollicitantes et onera superanda, qua aequilibrium efficitur, non difficulter definitur; hacque determinatione tota Machinarum tractatio absolui solet. Altum vero vbiq̄ue deprehenditur silentium de motu, qui sublato statu aequilibrīi fit in secutus, nisi quod generatim notetur, si vis sollicitans maior fuerit, quam effectio aequilibrīi exigat, onus promotum iri, si quidem vis frictioni simul superandae par sit.

§. 6. Tum vero etiam ex indole et proportionē partium Machinae definiri potest, si potentia seu vis, siue trahens siue pellens, data celeritate progrediatur, quanta celeritate ipsum onus promoueatur. Quam enim rationem inter potentiam et onus status aequilibrīi postulat, eadem ratio, sed inuersa, inter celeritatem potentiae et oneris intercedit, vndeunque motus fit profectus. Hinc notus ille Mechanicae canon originem habet, quo promotio oneris eo tardior esse affirmatur, quo minor potentia ad aequilibrium requiratur, si quidem potentia data celeritate progrediatur. Quae regula, nisi longius, quam par est, extendatur in dispositione Machinarum saepe eximium habet vsum, sed nihil prorsus confert ad ipsum motum, qui sublato statu aequilibrīi re vera subsequitur, definiendum. Cum igitur omnes Machinae ad motum destinentur, nullaque construi soleat, quae in statu aequilibrīi effectum desideratum praestet; manifestum est, actionem et effectum Machinarum nullo modo ex memoratis Mechanicae prin-

cipiis explicari ac definiiri posse: satis enim constat, ad motum determinandum principia aequilibrrii minime sufficere, sed praeterea cognitionem legum motus requiri, quae sine analysi sublimiori neque tradi neque ad usum applicari possunt.

§. 7. Cum autem pono, si status aequilibrrii cuiuspiam Machinae spectatur, relatio inter vim potentiae protrahentem, et vim oneris contrariam, qua Machinam in plagam oppositam mouere conatur, determinetur, manifestum est, plurimas Machinas ne hanc quidem determinationem admittere. Si enim onus ope Machinae horizontaliter sit promouendum, nullam vnquam viri ad Machinam repellendam exercet, quemadmodum euenit, si pondus perpendiculariter eleuari debeat; isto igitur casu vel minima vis, dummodo frictioni superandae sufficiat, onus promouere valebit, maior autem motum celerioreni producet, quam minor, neque idcirco statui aequilibrrii vllus locus relinquitur. Hoc idem euenit in horologiis, molendinis, aliisque huius generis Machinis, in quibus nulla cuiusquam ponderis eleuatio intenditur, sed omnis effectus in solo Machinae motu producendo consumitur. De hoc ergo Machinarum genere nihil est, quod in vulgari Mechanica tradi queat, praeter meram ac nudam partium descriptionem et coagmentationem; cum tamen in praxi multo amplior et accuratior cognitio requiratur.

§. 8. Si enim ad certum quendam effectum producendum Machina proponitur, parum quidem refert nosse, quanta vi ad aequilibrium conseruandum opus sit, si quidem Machina ad id genus pertineat, in quo status aequilibrrii datur; sed vel maxime interest nosse, quanta celerita-

celeritate desideratus effectus a qualibet vi Machinae istius ope edatur; ut si forte effectus nimium fuerit lentus, vel scopo non conformis, Machina repudiari possit, antequam per experientiam inepta fuerit deprehensa. Huiusmodi accurata motus a data vi oriundi determinatio etiam maxime necessaria est, si plures Machinae ad eundem finem obtinendum proponuntur, quo ea, quae promptissimum, vel intentioni maxime convenientem effectum producat, reliquis anteferri queat. Quin etiam Theoriam eousque perfici conueniet, ut proposito quocunque opere absoluendo, inter omnes omnino Machinas, quae ad id exsequendum excogitari queant, ea potissimum assignari possit, quae hoc opus vel breuissimo tempore, vel minimo virium dispendio, vel alio modo, qui maxime idoneus videatur, peragere valeat.

§. 9. Momentum harum quaestionum vnico eoque facili exemplo docuisse sufficiat. Ponamus onus mille librarum verticaliter eleuari debere a vi, quae valeat 100 libras, ad hocque opus nos vti velle axe in peritrochio. Primum quidem perspicuum est, si radiorum alter decies longior assumatur altero, vim cum onere in aequilibrio fore constitutum, nullumque motum sequi. Quo igitur onus eleuetur, necesse est, ut radius maior plus quam decies longior altero statuatur; facile quoque est praecuidere, si is vndecies tantum longior capiatur, lentiozem motum esse insciturum, quam si duodecies longior caperetur: neque quisquam dubitabit, si maior radius vel tredecies, vel decies quater, vel vltra longior caperetur, motum adhuc celeriozem esse proditurum. Deinde vero pariter non est dubium, quin si maior radius millies, vel decies millies, longior efficeretur altero, motum iterum tardiozem productum iri. Crescet

ergo celeritas eleuationis ad certum vsque longitudinis terminum, quem si transgrediatur, iterum decrefcatur. Merito ergo quaestio instituitur, quoties radium alterum longiorem altero constitui oporteat, vt onus citissime eleuetur.

§. 10. Quantopere autem haec aliaeque huius generis quaestiones, quae ad veram Machinarum Theoriam omnino ita pertinent, vt nisi eae resolutae queant, Theoria maxime imperfecta censi debet, communis Mechanicae limites transgrediantur, quilibet, qui vel allatum leue exemplum attentius perpenderit, facile agnoscat. Nihil enim prorsus in omnibus libris, qui gloriosum Theoriae Machinarum titulum prae se ferunt, inueniet, quo isti quaestioni vilo modo satisfacere possit. Magis ergo ardua est haec quaestio, et cum vulgaris Mechanicae praecipua huc nihil conferant, ad Mathesin sublimiorem dictam est confugiendum, in qua cum non solum verae motus leges explicentur, sed etiam ad quosuis casus, quibus motus producit, ope calculi infinitorum accommodentur; ea sola veros nobis aperiet fontes, ex quibus solutionem huiusmodi quaestionum haurire liceat. Quod quo facilius fieri possit, praecipua ante momenta, quae in omnibus Machinis occurrunt, diligenter examinari, et quantum singula ad motum cum promouendum tum impediendum afferant, sedulo determinari conueniet. Hac enim tractatione praemissa non difficulter omnis generis Machinae ad calculum reuocari, earumque effectus accurate definiiri poterunt.

§. 11. In omni autem Machina tres res sunt considerandae: primo scilicet vis, quae Machinae motum inducit;

ducit; secundo ipsa Machina, seu eius structura, partiumque, quibus constat coagmentatio; ac tertio onus mouendum; quamquam enim in pluribus Machinis nullum onus occurrit, sed totus Machinae effectus in ipsius motu consistit, tamen haec diuisio tripartita non impedit, quo minus etiam huius generis Machinae in tractatione comprehendantur: quippe quae exoriuntur, si onus mouendum omittatur, vel euanescens assumatur. Hae porro tres res duplici modo debent perpendi; vel per se, vel ratione motus, quem singulae suscipiunt. In Machina enim ipsa eius structura probe est distinguenda a motu, qui ei singulisque eius partibus inducitur; propterea quod Machina non solum vi in onus transferendae inferuit, sed etiam ob motum, quem ipsa accipit, aliquam vis sollicitantis partem consumit; hocque ipso effectum, qui alias produceretur, non parum imminuit.

§. 12. Quod igitur primum ad vires, quibus Machinae impelli solent, attinet, earum plurima genera adhibentur, quae omnia enumerare difficile foret; cuiusmodi sunt pondera, elastra, vires humanae et animales, impulsionem aquarum, et venti, ignis, fumus, etc. Circa has autem vires ante omnia attendendum est, vtrum indefinenter agant, an per interualla? an perpetuo aequali vi virgeant, an modo intendantur, modo remittantur? et quandoque per aliquod interuallum penitus cessent. Ad quem casum referendae sunt percussiones, quarum actio ex regulis collisionis definiri debet. Quando autem sine interruptione operantur, earum vera quantitas est spectanda, quam semper per pondus quodpiam exponere licet. Scilicet quacunque vi Machina impellatur, pondus assigna-



ri poterit, quod tantumdem vrgeat et cum mensura ponderum sit notissima loco cuiuslibet vis mente substituere licebit pondus aequiualeus; quod pro natura vis sollicitantis, vel constantis erit quantitatis, vel variabilis. Quin etiam si Machina percussionibus ad motum incitetur, quouis momento pressio aequalis substitui potest, sed plerumque calculus contrahitur, si regulae collisionis in subsidium vocentur.

§. 13. Quaecunq; autem vis ad Machinam impellendam adhibeatur, ea semper cum quadam materia est coniuncta, quae simul moueri debet; quam inertiam vis sollicitantis appellabimus. Haec si solus status aequilibrum determinatur, omnino non in computum ingreditur, quoniam aequilibrium a sola quantitate virium impellentium pendet, nihilque interest, vtrum inertia adsit an secus? simulac vero motus generatur, omnis materia, quae motum recipit, attente est consideranda, quippe ad quam mouendam portio quaedam virium impenditur. Quantitas igitur eius materiae, in qua ipsa vis impellens residet, sedulo est attendenda, et quantum motum, dum Machina mouetur, ipsa nanciscatur, definiiri debet. Quo plus enim materiae, vel quo maior inertia cum vi sollicitante fuerit connexa, eo tardior orietur motus. Sic praeter virium varietates ante commemoratas duae res in qualibet vi, qua Machina ad motum concitatur, potissimum erant considerandae: primo scilicet ipsa cuiusque vis quantitas; ac deinde eius inertia: quarum illa per pondus, haec vero per quantitatem materiae, quae pariter ad pondus, reuocari potest, mensurari solet.

§. 14. In ipsa deinde Machina eius structura, et modus, quo singulae partes inter se sunt connexae, perpendi debet: ex quibus, si vnus partis vel solum puncti motus fuerit cognitus, simul omnium reliquarum partium motus innotescet. Hinc cum vis sollicitans Machinae sit applicata, si celeritas ipsius vis fuerit inuenta, simul motus singularum Machinae partium cognoscetur. Verum praeterea in motus productione ipsius quantitatis materiae, ex qua Machina componitur, ratio est habenda; quam inertiam ipsius Machinae vocabimus. Haec primum ex quantitate materiae seu pondere cuiusque partis est aestimanda; tum vero cum reluctatio inertiae eo magis se exerat, quo celerior fuerit motus; si diuersae Machinae partes diuersis celeritatis gradibus moueantur, haec circumstantia simul in computum est ducenda. Scilicet si omnes Machinae partes motibus paribus progrediantur, vt nulla adfit motu svarieta, sufficiet, ipsam materiae quantitatem eius epondu nosse: sin autem, vt plerumque fit, motus gyratorius circa axem quempiam generetur, tum momentum inertiae respectu huius axis computatum, in motus determinationem ingredietur: quae circumstantia saepe actionem Machinarum determinatu difficillimam reddere solet.

§. 15. Restat ergo onus considerandum, quod ope Machinae promoueri debet, nisi forte totus effectus in solo Machinae motu consistat. Circa onus autem primo dispiciendum est, vtrum praeditum sit vi Machinam sollicitante, vti euenit, si pondus eleuari debet, an vero tantum ratione inertiae actioni Machinae reluctetur, velut si pondus secundum directionem horizontalem sit protrahendum:

hendum: illam vocabimus oneris vim renitentem, cuius ratio in determinatione status aequilibrum haberi debet; hanc vero inertiam oneris dicemus, quae in motu demum spectanda venit. Ad vim oneris renitentem denique frictio tota, qua tam motus Machinae, quam ipsius oneris impeditur, commode reuocari potest. Per experientiam enim constat, frictionem eandem exerere effectum, ac si maior vis oneris renitens esset superanda, quae etsi in quiete Machinae nullam vim inferat, in motu tamen vicem vis motum retardantis sustineat, et quidem constantis maneat quantitatis, siue motus tardior sit, siue celerior. Quare si vnico experimento magnitudo frictionis fuerit explorata, eam tantum vi oneris renitenti addere conueniet, quo pacto calculus Machinarum ob frictionem non amplius perturbabitur.

§. 16. Dum autem motus cuiusque Machinae per calculum determinatur, imprimis necesse est, vt vires, quibus singulae Machinae partes in se inuicem agunt, accurate definiantur; quo constet, quantam vim cum rotae, tum funes, tum axes, super quibus partes Machinae rotantur, etiam durante motu sustineant. Nisi enim de hoc fuerimus certi, difficile foret partes Machinae vel non nimis imbecilles efficere, vel non nimis robustas: quorum prius Machinam prorsus inutilem redderet, si quidem vi, quam in actione subit, sustinendae par non esset. Posterius vero non parum Machinae officit, si enim praeter necessitatem nimis robusta et fortis construeretur, ob maiorem inertiam totus motus retardaretur; huicque incommodo sola Mathesis sublimior medelam afferre valet. His igitur, quae ad actionem Machinarum in genere spectant, expositis, singula Machinarum genera secundum hoc institutum pertractabo, ac primo quidem a simplicioribus exordiar.

II.  
DE PROMOTIONE SIMPLICI.

§. 1.

**P**romotionem simplicem voco, quando onus, vel immediate a potentia promouetur, siue trahendo siue trudendo, vel ope huiusmodi Machinarum simplicium, quibus actio potentiae neque augetur neque imminuitur: quod fit vel funibus nudis vel trochleis, quae circa axes fixos sint mobiles, innixis. His scilicet casibus onus eadem celeritate promouetur, qua ipsa potentia, seu vis mouens, procedit: ita vt per quantum spatium potentia iam processerit, per tantumdem spatium onus sit protractum. Ab hoc autem casu potissimum exordior, cum quia est simplicissimus, eiusque cognitio ad omnis generis Machinas examinandas summopere necessaria, tum vero, quia hic locus maxime idoneus conceditur de frictione tractandi: quae doctrina nondum satis explicata neque ad actionem Machinarum accommodata videtur; praecipue quando frictio ad axem, circa quem pars Machinae est mobilis transfertur.

§. 2. Ponamus ergo primo onus *a b c d* super plano horizontali *A B* promoueri debere, ad hocque adhiberi potentiam, cuius directio pariter sit horizontalis, et quae onus vel trudendo in puncto *E* propellat, vel trahendo secundum *F p* protrahat. Transeat autem directio vis siue trudentis *P E*, siue trahentis *F p* per oneris centrum grauitatis, ne, etiamsi onus liberum esset, in eo vllus alius motus praeter progressum horizontalem generetur. Quando enim directio vis vrgentis non

Tab. V.  
Fig. 2.

per centrum grauitatis oneris tranfit, tum ei praeter motum progressiuum rotationem quamdam imprimere conabitur, qui etsi a firmitate plani A B, cui incumbit, impediatur, tamen appressionem oneris ad hoc planum immutat, cuius cognitio saepe numero non parui est momenti. Sin autem ad hanc appressionem non respiciamus, perinde est, vtrum directio vis sollicitantis per oneris centrum grauitatis transeat, nec ne? dummodo corpori re ipsa nullum motum rotatorium inducat.

§. 3. Ponamus praeterea planum A B esse politissimum, vt onus in motu suo nullam frictionem sentiat, quia effectum frictionis deinde seorsim sum contemplanturus. Hic igitur solum onus et potentia vrgens in computum ingreditur. Sit massa oneris  $= Q$ , quae eius pondere mensuratur, et qua tantum motui reluctatur, quia ob motum horizontalem nullam vim potentiae contrariam seu renisum exerit. Potentiae vero sollicitantis quantitas sit  $= p$ , inertia autem, seu quantitas materiae, quae cum potentia est coniuncta, cum eaque simul mouetur, sit  $= P$ ; vbi tam P quam p ponderibus metiri licet. Confecerit tam potentia quam onus motu iam viam seu spatium  $= z$ : et vtrumque habeat celeritatem, quantam graue ex altitudine  $v$  libere cadendo adipisci solet. Cum igitur a vi  $p$  quouis momento massa seu inertia  $P + Q$  accelerari debeat, ex principiis Mechanicis habebimus hanc aequationem  $d v \frac{p dz}{P + Q}$ , quae integrata dat  $v = \frac{p z}{P + Q}$ .

§. 4. Cum igitur celeritas ipsa sit radici quadratae ex altitudine  $v$  proportionalis; si enim  $v$  in partibus millesimis pedis Rhenani exprimatur, eius radix quadrata  $\sqrt{v}$  per 4 diuisa indicabit, quot pedes Rhenanos corpus hac celeritate vniformiter motum singulis minutis secundis effec-

effet percursurum : onus motu vniformiter accelerato promouebitur, nisi quatenus a resistentia aeris impeditur. Si tempus praeterea, quo iam spatium  $z$  absoluit, ponatur  $= t$ . Ob  $dt = \frac{dz}{v}$  erit  $dt = \frac{dz\sqrt{(P+Q)}}{\sqrt{Pz}}$  et  $t = \frac{2\sqrt{z(P+Q)}}{\sqrt{P}}$   $= 2\sqrt{\frac{P+Q}{P}} \cdot z$ . Quae formula si per 250 diuidatur, dum spatium  $z$  in partibus millesimis pedis Rhenani exprimitur, indicabit numerum minutorum secundorum tempori  $t$  conuenientium. Vnde vicissim si tempus  $t$  in minutis secundis exprimat, vt fit  $t = \frac{1}{125}\sqrt{\frac{P+Q}{P}}z$  erit  $z = 15625 \frac{t^2}{P+Q}$  part. mill. ped. Rhenani; seu  $z = \frac{15625}{1000} \cdot \frac{P}{P+Q}$  ped. Rhen: sicque per quantum spatium onus dato tempore promoueatur, definiri poterit.

§. 5. Cum autem hic casus nusquam locum inueniat, ponamus insuper frictionem accedere, qua fit, vt simul atque onus mouetur, vi propellenti perinde resistat, ac si quadam vi contra vrgeretur: hocque vi resistente ipsa frictio mensurari solet. Prouenit ea vero partim ab asperitate superficierum se in motu fricantium, partim ab appensione earum mutua. Quanquam autem videtur quoque a magnitudine spatii  $ab$ , quo fit contactus, pendere tamen plurimis experimentis ab *Amontono* institutis euictum est, magnitudinem contactus nihil ad frictionem conferre, sed totam soli appensioni esse proportionalem, si asperitas maneat eadem. Atque in plerisque tabulis ligneis modice laeuigatis inuenit frictionem fere tertiae parti eius vis, qua onus ad tabulam apprimatur, esse aequalem. Hinc si  $AB$  esset huiusmodi tabula lignea, quoniam appressio toti ponderi oneris  $Q$  aequatur, frictio foret  $= \frac{1}{3}Q$ . Major autem minorue erit,

L 1 2

fi

si superficies A B magis minusve aspera fuerit. Quo igitur determinatio latius pateat, frictionem ponamus  $= F$ , vbi tenendum est, fore  $F = \frac{1}{n} Q$ , denotante  $n$  numerum siue maiorem siue minorem quam 3.

§. 6. Cum igitur frictio  $F$ , dum onus mouetur, vi propellenti  $p$  sit contraria, ea a vi  $p$  subtrahi debet, onusque perinde mouebitur, ac si sublata frictione propelleretur a vi  $= p - F$ . Quare confecto spatio  $s$  celeritas oneris debita erit altitudini  $w$ , ita vt iam sit  $w = \frac{(p-F)s}{p+Q}$ : atque tempore  $t$  minorum secundorum onus promouebitur per spatium tot pedum Rhen: quot unitates ista expressio  $\frac{156.5}{1000} \cdot \frac{p-F}{p+Q}$  indicabit. Hic igitur ante omnia aduertendum est, onus de loco non moueri, nisi sit  $p > F$ , hoc est, nisi vis pellens  $p$  fuerit maior quam frictio  $F$ : et quamdiu vis vrgens  $p$  sit minor, onus in quiete persistere. Hic enim non, vti alias in calculo fieri solet, valorem ipsius  $w$ , casu quo  $p < F$  negatiuum concludere licet; vt motus in contrariam plagam dirigatur: quoniam frictio, etsi vi pellenti est contraria, tamen hunc effectum non nisi in motu exerit, atque in quiete penitus cessat. Quod notandum est, ne per huiusmodi formulas perperam intellectas in errores seducamur.

§. 7. Hic igitur simplicissimus se nobis offert modus quantitatem frictionis explorandi per experimenta. Corpore enim quocunque  $a b c d$  plano horizontali A B imposito, ei in directione horizontali  $F p$  ope filii seu funiculi applicentur successive maiores vires; donec corpus moueri incipiat; quae experimenta commodissime instituentur, si funiculus in  $p$  trochleae liberrime mobili imponatur

tur, eique continuo maiora pondera appendantur. Tum enim frictio ei ponderi erit aequalis censenda, a quo corpus primum promoueri inceperit. Hoc autem modo *Amontonius* deprehendit, si asperitas fuerit eadem, frictionem ad pondus corporis perpetuo datam et constantem rationem tenere; neque quantitatem contactus *a b* quicquam ad frictionem conferre. Ab aliis quidem haec regula deinceps in dubium est vocata, qui pariter experientiae innixi eam falsitatis arguere voluerunt. Verum hi ad frictionem, quae in motu gyatorio cernitur, potissimum respexerunt: quae autem hoc casu longe aliter motui resistit, vti infra docebo, ita vt hinc nulla obiectio firma contra regulam *Amontonianam* peti possit. Interim tamen optandum esset, vt haec experimenta cuncta omni adhibita solertia repetantur; atque nunc quidem ope perfectionis Theoriae ab omnibus dubiis liberentur.

§. 8. Ex formula inuenta  $v = \frac{(p-F)x}{F+Q}$  apparet, frictione *F* non obstante, onus motu vniiformiter accelerato promotum iri, si quidem resistentia aeris negligatur. Verum in hac formula assumimus vim vrgentem *p* perpetuo eandem quantitatem retinere, siue motus fuerit tardior siue celerior; quem ad modum euenit, si promotio ope ponderis descendens efficiatur, quippe quod perinde trahere pergit, siue demum descendere incipiat, siue iam celeritatem quamcunque acquisuerit. Sin autem aliae vires adhibeantur, eae plerumque eo minores euadunt, quo celerius iam ipsae mouentur: quod imprimis in viribus hominum et animalium vsu venit, quae quo celerius iam onus promoueant, eo minores vires ad nouam accelerationem procurandam exerere valent. His ergo casibus littera *p* erit variabilis, atque a celeritate iam acquisita, seu altitudine ei debita *v*



pendebit, cuius variabilitatis ratio proinde in integratione formulae  $dv = \frac{(p-F)dz}{P+Q}$  erit habenda, antequam ipse motus definiri queat.

§. 9. Ponamus onus  $Q$  ab homine secundum directionem horizontalem  $AB$  progrediente trahi, et cum homo omnibus viribus adhibitis certum celeritatis gradum in currendo superare nequeat, manifestum est, si hunc gradum iam attigent, tum nullam amplius vim ad protractionem oneris impendere posse, sed omnes, quibus pollet, vires ad sui ipsius motum continuandum consumi, ex quo evidens est, hominem eo minorem vim in onus exerere posse, quo celerius iam ipse progrediatur. Quamquam autem hanc diminutionem accurate definire non liceat, tamen coniectando formulam a vero parum discrepantem consequemur, si duobus tantum casibus satisfaciamus. Sit igitur  $g$  vis maxima, quam homo quiescens ad promotionem oneris impendere valeat:  $b$  autem sit altitudo debita celeritati, qua cum si homo progrediatur, nullam amplius vim exerere queat. Debeat ergo  $p$ , qua littera vis hominis exprimitur, dum iam celeritate altitudini  $v$  debita progreditur, eiusmodi esse functio ipsius  $v$ , ut posito  $v = 0$  fiat  $p = g$ ; sin autem ponatur  $v = b$ , ut sit  $p = 0$ ; his autem conditionibus satisfacit formula  $p = g - \frac{g v}{b}$ .

§. 10. Substituamus ergo hanc formulam  $p = g - \frac{g v}{b}$  in aequatione differentiali  $dv = \frac{(p-F)dz}{P+Q}$ , habebimusque  $dz = \frac{b(P+Q)dv}{gb - gv - bF}$ ; et integrando  $z = \frac{b}{g} (P+Q) \int \frac{b(g-F)}{b(g-F) - gv}$ . Perspicuum autem est motum oneris accelerari, quamdiu fuerit  $gb - gv - bF > 0$ : simul ac vero fiat  $v = \frac{b(g-F)}{g}$ , accele.

accelerationem cessare, motumque fore uniformem: quem quidem elapso demum tempore infinito assequetur. Verum tamen mox ab initio iam tam prope hunc gradum velocitatis acquirat, ut motus statim appareat uniformis: quod etiam experientia ita confirmat, ut acceleratione initiali penitus neglecta totus motus ex hoc gradu velocitatis aestimari soleat. Onus ergo promouebitur uniformiter celeritate, quae oriatur lapsu ex altitudine  $v = \sqrt{\frac{b(g-F)}{g}}$ : seu ex posita altitudine  $b$  in partibus millesimis pedis Rhenani, singulis minutis secundis tot pedes absoluentur, quot unitates erunt in formula  $\frac{1}{4} \sqrt{\frac{g-F}{g}}$ ,  $b$ .

§. 11. Seu cum  $b$  sit altitudo debita celeritati, quanti homo libero cursu assequi valeat,  $\frac{1}{4} \sqrt{b}$  exprimet spatium in pedibus, quod homo hoc cursu singulis minutis secundis emetiri valeat. Quodsi ergo ponamus hominem summo hoc velocitatis gradu, singulis minutis secundis  $n$  pedes absolere, idem homo onus  $Q$  protrahens singulis minutis secundis conficiet spatium  $n \sqrt{1 - \frac{F}{g}}$  pedes. Si duo homines coniunctim trahant, littera  $n$  quidem eadem manebit, sed eorum vis, dum quiescunt, erit dupla, sicque celeritas oneris erit  $= n \sqrt{1 - \frac{F}{2g}}$  ped. in minuto secundo. Atque si numerus hominum, qui viribus aequalibus polleant, fuerit  $= m$ , celeritas oneri impressa erit  $= n \sqrt{1 - \frac{F}{mg}}$  ped. in minuto secundo. Haec eadem sunt tenenda, si onus ab equis aliisque animalibus protrahatur, dummodo pro quouis animalium genere debiti valores pro litteris  $g$  et  $n$  assumantur.

§. 12. Dum igitur ad hunc summum atque ultimum celeritatis gradum attendimus, quo onus a datis viribus humanis seu animalibus promoueri queat; inertia oneris

oneris  $Q$  non amplius in calculum ingreditur, sed tantum frictionis  $F$  ratio est habenda; quae igitur quo fuerit minor, eo maiori celeritate onus promouebitur: atque si penitus tolli posset, tum onus non impediret, quominus homines ea ipsa celeritate progrediantur, ac si ab onere essent soluti. Frictione autem reluctante, iste celeritatis gradus oneri induci nequit, nisi hominum numerus in infinitum augeatur. Quo autem onus data quadam celeritate protrahatur, numerum hominum  $m$  frictioni  $F$  proportionalem esse oportet; vnde patet, si frictio reddatur duplo minor, dimidio tantum hominum numero opus esse, et si frictio centuplo minor effici posset, centesimam virium partem eidem motui producendo sufficere. Quae circumstantia in vextione onerum, plaustrorum et tormentorum maxime attendi meretur.

§. 13. Quo vsus huius formulae clarius percipiatur, eam exemplis illustremus. Si igitur onus ab hominibus promoveatur, pro littera  $g$  accipiendum est pondus, quod homo pavimento firmo insistens sustinere valet; quando scilicet pondus verticaliter suspensum ope funiculi super trochleam in directionem horizontalem reducti secundum hanc directionem trahendo continet. Vis enim hominis mensurari debet pondere, quod tanta vi deorsum tendat, quantam homo secundum directionem horizontalem exerit. Difficile autem est pro  $g$  determinatum valorem assignare, cum homo modo fortius modo remissius trahat, eiusque vis plurimum a pavimento, cui insistit, pendeat; tum vero etiam actionem non fortiorem assumi conuenit, quam ut homo eam per aliquod tempus exerere valeat. His perpensis pro vi  $g$  maius pondus non videtur assumi posse quam 70 librarum circiter. Deinde si homo ab  
omni

omni onere solutus currit, singulis minutis secundis fere 6 pedes conficiet. Quam ob rem in exemplis calculo subiiciendis assumere licebit  $g = 70$  libr. et  $n = 6$  ped. Frictionem autem oneris  $Q$ , nisi imminuatur per singularem Machinae structuram, tertiae parti totius ponderis aequalem assumamus.

§. 14. Si igitur onus  $Q$  ab vno homine horizontaliter promoueri debeat, erit  $m = 1$ , et  $F = \frac{1}{3} Q$ , vnde celeritas, qua hoc onus promouebitur, erit  $= 6\sqrt{(1 - \frac{F}{70})} = 6\sqrt{(1 - \frac{Q}{210})}$  pedum in minuto secundo. Si ergo onus  $G$  fuerit vel 210  $\text{lib}$ , vel maius prorsus non de loco mouebitur: sin autem sit minus, ab vno homine protrahi poterit. Celeritates autem per spatia in minuto secundo confecta expressae erunt. Vt haec tabella indicat.

Pondus oneris in libris	Celeritas in pedibus	Pondus oneris in libris	Celeritas in pedibus
0	6,00	110	4,14
10	5,86	120	3,93
20	5,76	130	3,70
30	5,55	140	3,46
40	5,40	150	3,21
50	5,24	160	2,93
60	5,07	170	2,62
70	4,90	180	2,27
80	4,72	190	1,85
90	4,54	200	1,31
100	4,34	210	0,00

§. 15. Quanquam haec tabula ad vim vnus hominis est accommodata, tamen ex ea quoque inueniri potest celeritas oneris, si plures homines simul trahant. Cum

Tom. III. Nov. Comment.

M m

enim

enim eadem prodeat celeritas, si pondus oneris ad numerum hominum eandem habeat rationem; manifestum est, onus 1000 ℥ a 10 hominibus eadem velocitate promotum iri, qua onus 100 ℥ ab uno homine: haec autem celeritas in tabula est  $4\frac{1}{3}$  pedum in minuto secundo. Sic si onus 2375 ℥ a 14 hominibus protrahatur, numerum 2375 diuido per 14, et quotum  $169\frac{5}{14}$ , seu 170 proxime quaero in tabella; cui respondebit celeritas oneris, quae erit 2, 62 pedum singulis minutis secundis. Sin autem frictio maior minorue fuerit tertia parte oneris, tum in calculo hoc onus in eadem ratione vel augetur vel diminuat; sicque denuo vera eius celeritas reperietur. Ita si onus 1200 ℥, cuius frictio tantum quintae parti 240 ℥ aequetur, ab 8 hominibus protrahatur, loco 1200 assumo eius tres quantas 720, quem numerum per 8 diuido, et quotus 90 dabit celeritatem 4, 54 pedum.

§. 16. Hinc porro etiam solui potest Problema, quo quaeritur, quot hominibus opus sit ad onus data celeritate promouendum. Sit enim onus =  $Q$  librarum, cuius frictio siue tertiae siue alii parti aequetur, ponatur =  $F$  librarum. Celeritas vero, quae postulatur, sit  $k$  pedum in minuto secundo; ponatur numerus hominum ad hoc praestandum requisitorum =  $m$ , atque esse oportebit  $6\sqrt{\left(1 - \frac{F}{70m}\right)} = k$ . Fiet ergo  $36 - \frac{36F}{70m} = k k$ , ideoque  $m = \frac{18F}{35(36 - k k)}$ , seu quia in his mensurae accuratae non dantur, proxime saltem  $m = \frac{\frac{1}{2}F}{36 - k k}$ . Quod si ergo requiratur celeritas, qua 3 pedes singulis minutis secundis absoluantur, fiet  $k = 3$ ,

$k = 3$ , et numerus hominum erit  $m = \frac{\frac{1}{2}F}{27} = \frac{F}{54}$

seu ex priori formula  $m = \frac{2F}{108}$ . Ita si onus 1000 ℥, cuius frictio sit 250 ℥ celeritate trium pedum in 1'' sit protrahendum, numerus hominum erit  $= \frac{500}{108}$ , ideoque quia fractiones reiici oportet, opus erit quinque hominibus.

§. 17. Si loco hominum equis vtendum sit ad onera protrahenda, valores litterarum  $n$  et  $g$  experientiae conuenienter definiri debebunt; quorum vterque maior erit quam pro hominibus, cum equi non solum longe maioribus viribus valeant, sed etiam celeriores cursum habeant. Si igitur vis equi quadruplo maior statuatur, quam hominis, erit  $g = 280$  ℥, et pro spatium  $n$ , quod vno minuto secundo libero cursum conficitur, fere 10 vel 12 pedes assumere licebit. Vnde si oneris frictio sit  $= F$  librarum, id ab  $m$  equis tanta celeritate protrahetur, vt singulis minutis absoluat spatium  $10 \sqrt{1 - \frac{F}{280m}}$  pedum. Pro bobus autem loco equorum adhibitis, vis fortasse  $g$  erit minor, at celeritas  $n$  certe multo deficiet, cum boui vix maior celeritas quam homini tribui queat. In hoc autem negotio experientia imprimis erit consulenda, atque pro quouis virium genere litterae  $n$  et  $g$  per experimenta definiri debebunt; quod facile fiet, si formulae generales cum experimentis conferantur.

§. 18. In hoc ergo praecipuum spectatur discrimen inter vires animales et eas, quae a grauitate petuntur, quod hae continuo aequaliter vrgeant, siue ipsae sint in motu constitutae, etiam nunc quiescant; cum illae

eo magis diminuantur, quo celerius iam ipsae mouentur, atque determinatum celeritatis gradum transgredi nequeant. Hic autem ipse modus, quo animalia vires suas exercent, potissimum est spectandus, siue agant trahendo, siue trudendo, siue nitendo, siue calcando, siue alio denique modo; unde tam valor vis absolutae  $g$ , qua, dum in quiete persistunt, pollent, plurimum variatur quam maximus celeritatis gradus, quem, cum omnino onus auferatur, omnibus viribus adhibitis adipisci valent. Multa deinde alia dantur virium genera, veluti venti, aquae fluentis, ignis etc. quae autem sine accurata plurium Machinarum cognitione definiri nequeunt; quam ob rem donec eousque progredi liceat, haec duo tantum virium genera ab animalibus et grauitate profecta in calculum inducam.

§. 19. Praeter motum autem ipsius oneris, quo cuiusuis Machinae ope promouetur, plurimum interest nosse vires, quas durante motu singulae Machinae partes sustinent, atque in se inuicem exerunt. In proposita igitur Machina, quoniam tractio ope funis fieri solet, ponamus primo funem  $Ff$  esse breuissimum, vt eius pondus nullius sit momenti, inuestigemusque vim, qua iste funis  $Ff$  quouis motus momento extenditur. Positis ergo massa oneris, vt supra  $= Q$ , frictione  $= F$ , vi protrahente  $= p$ , eius inertia  $= P$ ; atque celeritate, quam confecto spatio  $= z$  iam acquisiuit, debita altitudini  $= v$  sit hoc momento tensio funis  $Ff = t$ : quae cum vi sollicitanti  $p$  sit contraria, si sola inertia huius vis spectetur, ea perinde mouebitur, ac si protraheretur vi  $= p$ , retro autem vrgeretur vi  $= t$ , vnde fiet  $dv = \frac{(p-t)dz}{P}$ .

Onus autem, in quod immediate sola vis  $t$  agit, dabit hanc aequationem  $d v = \frac{(t-F) dz}{Q}$ : supra autem inuenimus  $d v = \frac{(p-F) dz}{P+Q}$ .

§. 20. Ex his ergo aequationibus elicitur tensio funis  $t = F + \frac{Q(p-F)}{P+Q} = \frac{pQ+FP}{P+Q}$ : nisi ergo funis hanc tensionem sustinere possit, quin rumpatur, motus produci non poterit. Apparet autem, si vis  $p$  sit vniformis seu a pondere petita, funem perpetuo eandem tensionem sustinere. Sin autem vis  $p$  sit animalis, quae crescente motu imminuatur: quo casu motus mox ad vniformitatem reducetur, fietque  $p = F$ . Hoc ergo casu tensio funis  $t = \frac{pQ+FP}{P+Q} = F$  ipsi frictioni aequalis erit: initio autem motus, quo vis  $p$  frictionem superare debuit, tensio funis quoque maior fuerit necesse est: vnde intelligi potest, quanta vi funem praeditum esse oporteat, vt ne rumpatur; maximumque rumpendi periculum in ipsum motus initium incidere.

§. 21. Tensio igitur funis antequam motus ad vniformitatem reducitur, perinde ac velocitas oneris pendet quoque ab inertia vis vrgentis, quam vocauimus  $= P$ : quae si esset nulla tensio foret perpetuo ipsi vi sollicitanti  $p$  aequalis. Sin autem inertia haec  $P$ , qua si esset infinita; prodiret  $t = F$ , sicque tensio ipsi frictioni constanter esset aequalis. Cum igitur sub initium vis sollicitans  $p$  maior esse debeat frictione  $F$ , priori casu  $P = 0$ , tensio continuo decreset, quoad motus fiat vniformis: ipso autem motus initio erat  $= p$ . Quare si inertia vis sollicitantis neque nulla fuerit neque infinita, tensio quidem ab initio mino rerit quam  $p$ , maior tamen quam frictio  $F$ ; quip-



pe cui tum demum aequalis fiet, cum motus euaserit vniformis. Ceterum in viribus animalium inertia proxime erit ponderi animalis aequalis, si quidem eorum tota corpora ad parem motum incitari debent. Parum autem interest nosse, quanta haec inertia exacte sit aestimanda, cum in motu vniformi, ad quem potissimum respicitur, eius cognitione non sit opus.

§. 22. Si funis  $Fp$ , cuius ope onus  $Q$  a vi  $p$  protrahitur, fuerit tam longus, vt eius inertiae quoque habenda sit ratio, tensio in singulis eius punctis non erit aequalis. Maximam quidem inaequalitatem producet incuruatio funis a grauitate oriunda, sed quia haec in Staticis definiri solet, hic tantum ad inaequalitatem ab actione ortam attendam. Inuestigabo ergo tensionem in quacunque funis particula  $mn$ , quam ponam  $=t$ , sit massa portionis anterioris  $np = M$ , et massa posterioris  $mF = N$ ; quarum illa ad potentiae inertiam, haec vero ad onus  $Q$  referri debet. Cum igitur massa  $P + M$  protrahatur a vi  $p - t$ , erit  $d v = \frac{(p-t)dz}{P+M}$ : massa autem  $Q + N$  a vi  $t - F$ , erit  $d v = \frac{(t-F)dz}{Q+N}$ , et coniunctim  $d v = \frac{(p-F)dz}{P+Q+M+N}$  existente  $M + N$  pondere totius funis, quod sit  $=L$ . Hinc ergo erit  $t = F + \frac{(Q+N)(p-F)}{P+Q+L} = \frac{(Q+N)p + (P+M)F}{P+Q+L}$ . Atque si motus fiat vniformis, seu  $p = F$ , tensio denuo fiet  $t = F$ , vnde hoc casu vbique erit eadem, si autem  $p > F$ , tensio funis a  $p$  ad  $F$  recedendo continuo decreset.

Fig. 3. §. 23. His de motu oneris horizontali expeditis ponamus onus  $Q$  verticaliter sursum eleuari debere, ope funis  $EM$ , qui trochleae  $T$  sit circumplicatus, vt vis sollici-

licitans secundum directionem horizontalem  $NP$  trahens concipi queat, si quidem fuerit vis animalis: sin autem grauitate ponderis, vti velimus, in  $P$  denuo trochleam statui conueniet, cui funis quoque circumductus deorsum trahatur. Hic autem nullam motus perturbationem ab his trochleis oriundam in calculum introducamus: sed trochleas tanquam immobiles consideremus, super quibus funis liberrime sine frictione hinc inde protrahi queat. Re vera autem motus oneris non mediocriter tam a productione motus in ipsis trochleis, quam a frictione perturbari debet: quem effectum singulari capite inuestigare constitui. Hic itaque cum onus nulli corpori incumbat, nulla quoque aderit frictio. Sit igitur massa oneris  $= Q$ , vis motui renitens seu eius pondus  $= q$ , vt sit  $Q = q$ ; tum vero vis in  $P$  vrgens  $= p$ , eiusque inertia  $= P$ . Confecerit iam tam onus quam potentia spatium  $= z$ , et sit vtriusque celeritas debita altitudini  $= v$ , erit  $(P + Q) dv = (p - q) dz$ , si quidem ponderis funis eiusque inertiae nulla ratio habeatur.

§. 24. Si igitur vis sollicitans  $p$  fuerit constans, vti euenit, si onus  $Q$  ab alio pondere grauiore descendente eleuetur, erit vtiq;  $v = \frac{(p-q)z}{P+Q}$ . Necessesse ergo est, vt sit  $p > q$ , seu vis eleuans maior pondere oneris: si enim esset  $p = q$ , onus in aequilibrio sustineretur, sin autem esset  $p < q$  onus delaberetur, vimque trahentem  $p$  secum abriperet. Verum si  $p > q$  onus eleuabitur motu vni-formiter accelerato, eiusque celeritas continuo augebitur, nisi quatenus resistentia aeris obfistit. In quo vis ergo spatii, per quod onus eleuatur, puncto eius celeritas assignari potest; vnde si tempus dicatur  $= t$ , erit  $dt = \frac{dz}{v}$

$= \frac{dz}{\sqrt{z}} \sqrt{\frac{P+Q}{P-Q}}$ , hincque ipsum tempus  $t = 2 \sqrt{\frac{P+Q}{P-Q}} z$ : seu si spatium  $z$  in scrupulis pedis Rhenani exprimitur, tempus  $t$  in numero minutorum secundorum reperietur  $= \frac{1}{125} \sqrt{\frac{P+Q}{P-Q}} z$ . Vade vicissim si tempus  $t$  in minutis secundis exprimitur, erit spatium interea absolutum  $= 15625 \text{ ff. } \frac{P-Q}{P+Q}$  scrup. ped. Rhenani.

§. 25. Si vis sollicitans  $p$  sit humana seu animalis, quae in motus initio sit  $= g$ , cum autem celeritate altitudini  $b$  debita iam progrediatur, penitus euanescat, vt sit, quem ad modum supra assumimus,  $p = g - \frac{g v}{b}$ : habebimus hanc aequationem differentialem  $(P + Q) dv = (g - q - \frac{g v}{b}) dz$ , seu  $\frac{g dv}{g b - b q - g v} = \frac{g dz}{b(P+Q)}$ , cuius integrale est  $\frac{g z}{b(P+Q)} = \int \frac{b(g-q)}{g b - b q - g v}$ ; si quidem celeritas oneris in motus initio euanesceat assumatur. Hoc ergo casu celeritas oneris mox ad vniiformitatem reducetur, atque acceleratio cessabit, quando fiet  $v = \frac{b(g-q)}{g}$ . Necessesse ergo est, vt vis absoluta  $g$  superet renitum oneris  $q$ , tum vero haec celeritas constans  $\sqrt{v}$  more solito exhiberi poterit, ita vt spatium, quod singulis minutis secundis absoluitur, in pedibus exprimitur. Ad huncque vsum tabulae ante traditae accommodari poterunt, cum enim supra ob frictionem tantum tertia pars oneris  $Q$  reniti sit assumpta, hic totum onus reluctari est ponendum; ideoque si magnitudo oneris in superioribus tabulis exhibita triplo minor assumatur, eae tabulae ad vsum praesentem transferentur. Sic patebit onus 240 ff ab octo hominibus singulis minutis secundis per altitudinem 4, 54 pedum eleuari, postquam quidem motus iam ad vniiformitatem fuerit compositus.

§. 26. Si onus  $abcd$  super plano inclinato  $AC$  Fig. 4. sursum trahi debeat, ope vis, cuius directio  $EM$  sit ipsi plano  $AC$  parallela; seu si oneri applicatus sit in  $E$  funis, qui trochleae in  $T$  fixae circumductus a data vi secundum directionem  $NP$  protrahatur, ita ut portio funis  $EM$  ipsi plano  $AC$  maneat parallela. Ponamus angulum  $CAB$ , quem planum inclinatum  $AC$  cum horizonte  $AB$  facit  $= \Phi$ , pondus oneris eiusue massam  $= Q$ , atque onus urgebitur deorsum secundum directionem verticalem  $QV$  per eius centrum gravitatis  $Q$  transeuntem vi  $= Q$ , quae resolvetur secundum directiones  $QR$  et  $QS$ , quarum illa sit ad planum inclinatum normalis, haec vero eidem parallela. Posito ergo sinu toto  $= 1$ , erit ob angulum  $VQR = BAC = \Phi$ , vis  $QR = Q \cos. \Phi$ , et vis  $QS = Q \sin. \Phi$ : quae posterior tota motui reluctatur. Prior vero vis  $Q \cos. \Phi$  apprimat onus ad planum inclinatum, unde nascitur frictio  $F$ , dum onus movetur; quae si trienti vis apprimentis sit aequalis, erit  $F = \frac{1}{3} Q \cos. \Phi$ . Generatim autem ponamus frictionem  $F = \frac{1}{v} Q \cos. \Phi$ , ita ut dum onus promovetur, tota vis motui renitens sit  $= Q \sin. \Phi + \frac{1}{v} Q \cos. \Phi$ .

§. 27. Si igitur planum  $AC$  esset horizontale, seu  $\Phi = 0$ , tota vis oneris motui renitens foret  $= \frac{1}{v} Q$ , seu sola frictione constaret: sin autem planum  $AC$  verticaliter erigatur, ut angulus  $\Phi$  fiat rectus, frictio evanescet, et onus solo suo pondere motui renitetur. In reliquis autem plani  $AC$  inclinationibus tam ob pondus quam ob frictionem onus motui reluctabitur, et dabitur quidem eiusmodi plani inclinatio, ex qua oritur maxima reluctatio, ita ut onus super eo difficilius eleuetur, quam si verticaliter

liter eleuari deberet Quae inclinatio inuenietur, si differentiale formulae  $Q \sin. \Phi + \frac{1}{2} \cos. \Phi$  ponatur  $= 0$ , vnde fit tang.  $\Phi = v$ : vnde si  $v = 3$ , angulus  $BAC$  fiet circiter  $= 71^\circ, 34'$ , et super huiusmodi plano  $AC$  onus omnium difficillime eleuabitur. Vis enim renitens ob tang.  $\Phi = 3$ , hincque  $\sin. \Phi = \frac{3}{\sqrt{10}}$  et  $\cos. \Phi = \frac{1}{\sqrt{10}}$ , erit  $= \frac{4}{\sqrt{10}} Q$ , cum in situ plani verticali fit tantum  $= Q$ . Dabitur ergo quoque eiusmodi plani inclinatio, in qua onus motui aequae renitetur, ac si verticaliter esset eleuandum, quod euenit, si  $Q \sin. \Phi + \frac{1}{2} Q \cos. \Phi = Q$ , hoc est, si  $\sin. \Phi = 1 - \frac{1}{2} \cos. \Phi$ , vnde fit  $\cos. \Phi = \frac{2v}{1+v^2}$  et  $\sin. \Phi = \frac{v^2-1}{v^2+1}$ . Si  $v = 3$ , erit iste angulus  $= 53^\circ, 8'$ .

§. 28. Quodsi iam vis ponatur  $= p$  eiusque inertia  $= P$ ; celeritas oneri iam debita fit altitudini  $v$ , atque dum promotio fit per spatium  $Pp = dz$ , erit per regulas motus  $dv = (p - Q \sin. \Phi - \frac{1}{2} Q \cos. \Phi) dz : (P + Q)$ , vnde patet, motum denuo fore vniformiter acceleratum, si quidem vis sollicitans fuerit eiusmodi, vt aequaliter vrgeret pergit, siue tardius moueatur siue celerius. Perspicuum est igitur, quo oneri motus imprimatur, necessario vim sollicitantem  $p$  superare debere vim renitentem  $Q \sin. \Phi + \frac{1}{2} Q \cos. \Phi$ . Sin autem in crescente motu ipsa vis trahens remittatur, vt fit in viribus hominum et animalium; vtendum erit pro  $p$  valore supra assignato  $g - \frac{g v}{b}$ ; fietque  $dv = (g - \frac{g v}{b} - Q \sin. \Phi - \frac{1}{2} Q \cos. \Phi) dz : (P + Q)$ . Hoc ergo casu motus ad aequabilitatem conuerget, cuius celeritas definietur hac aequatione  $v = b - \frac{b Q}{g} (\sin. \Phi + \frac{1}{2} \cos. \Phi)$ . Ceterum hic tam inertiam finis, quam effectum ex trochlea oriundum negleximus, quippe qui peculiarem inuestigationem requirit.

§. 29.

§. 29. Consideremus descensum oneris super plano in-*Fig. 3.*  
clinato tam spontaneum, quam a vi secundum directio-  
nem  $QP$  ipsi plano  $CA$  parallelam urgente productum.  
Transeat autem huius vis directio  $QP$  per ipsum oneris  
centrum grauitatis  $Q$ , et basis oneris  $ab$ , qua plano incumbit,  
tam sit larga, vt onus voluendo prolabi nequeat.  
Sit igitur angulus  $A = \Phi$ , quem planum  $CA$  cum hori-  
zonte  $BA$  constituit, et vocetur massa oneris, eiusue  
pondus  $= Q$ ; cuiusvis directio  $QV$  cum sit verticalis,  
resoluetur secundum directiones  $QP$ , ipsi plano  $CA$  pa-  
rallelam, et  $QR$  ad planum perpendicularem, atque ob  
angulum  $VQR = A = \Phi$ , erit vis  $QP = Q \sin. \Phi$  et  
vis  $QR = Q \cos. \Phi$ . Illa ergo vis  $QP = Q \sin. \Phi$  motui  
non solum non reluctatur, sed etiam ipsam vim protra-  
hentem, si quae adest, adiuuabit, ad motum acceleran-  
dum. Altera vero vis  $QR = Q \cos. \Phi$  oneri ad planum  
apprimendo impenditur, ab eaque frictio originem habe-  
bit. Scilicet si frictio aequetur trienti vis apprimentis,  
erit hic frictio  $= \frac{1}{3} Q \cos. \Phi$ . Quo autem inuestigatio  
latius pateat, ponamus, frictionem esse  $= \frac{1}{v} Q \cos. \Phi$ :  
quae hoc casu sola motui renitetur.

§. 30. Sit iam  $p$  vis sollicitans, qua onus praeter  
vim propriam  $QP = Q \sin. \Phi$  secundum directionem  $QP$   
protrahatur: haecque vis coniuncta fit cum inertia  $= P$ .  
Tota ergo vis onus promouens erit  $= p + Q \sin. \Phi$ : et  
quia sola frictio motui reluctatur, onus accelerabitur ab  
excessu istius vis supra frictionem  $p + Q \sin. \Phi - \frac{1}{v} Q \cos. \Phi$ .  
Quo igitur motus oriatur, necesse est, vt sit  $p + Q \sin. \Phi$   
 $> \frac{1}{v} Q \cos. \Phi$ , quamdiu enim fuerit  $p + Q \sin. \Phi < \frac{1}{v} Q$   
 $\cos. \Phi$ , onus in quiete perseverabit. Quodsi ergo onus a

nulla vi externa  $p$  sollicitetur, sed solo suo pondere ad motum nitatur, nullus motus subsequetur, quamdiu fuerit  $Q \sin. \Phi < \frac{1}{v} Q \cos. \Phi$  seu tang.  $\Phi < \frac{1}{v}$ ; statim vero atque angulus  $\Phi$  tantum augeatur, ut fiat tang.  $\Phi > \frac{1}{v}$  onus descendet. Ex quo tutissimus ac facillimus modus obtinetur quantitatem frictionis explorandi. Onere enim quocunque huiusmodi plano imposito, eius inclinatio seu angulus  $A = \Phi$  pedetentim augeatur, donec onus super eo descendere incipiat, sicque innotescet anguli  $\Phi$  magnitudo, cuius tangens sit  $= \frac{1}{v}$ ; hincque porro valor fractionis  $\frac{1}{v}$ , per quam frictio determinatur. Ita si iste eleuationis angulus  $A$  deprehendatur  $= 18^\circ$ , erit  $\frac{1}{v} = 0,3249$  seu proxime  $\frac{1}{v} = \frac{18}{40}$ . Hoc ergo modo pro omnis generis corporibus quantitas frictionis explorari poterit. Atque si frictio aequetur tertiae parti vis apprimentis, onus super plano inclinato quiescere perget, quoad angulus inclinationis  $BAC$  non excedat  $18^\circ, 26'$ .

§. 31. Vt autem ipsum motum oneris definiamus, qui oritur, quando  $p + Q \sin. \Phi > \frac{1}{v} Q \cos. \Phi$ , ponamus onus iam confecisse spatium  $= z$ , eiusque celeritatem nunc esse debitam altitudini  $= v$ . Quoniam vis accelerans est  $= p + Q \sin. \Phi - \frac{1}{v} Q \cos. \Phi$ , et massa mouenda  $= P + Q$ , erit  $(P + Q) dv = (p + Q \sin. \Phi - \frac{1}{v} Q \cos. \Phi) dz$ ; atque si vis  $p$  in motu non diminuatur, sed perpetuo constans maneat, erit quoque  $(P + Q)v = (p + Q \sin. \Phi - \frac{1}{v} Q \cos. \Phi)z$ , quae aequatio indicat, motum fore vniformiter acceleratum. Sin autem vis  $p$  in motu remittatur, seu ad genus virium animalium pertineat, ut sit  $p = g - \frac{gv}{b}$ , erit  $(P + Q) dv = (g - \frac{gv}{b} + Q \sin. \Phi - \frac{1}{v} Q \cos. \Phi) dz$ . Hoc ergo casu motus ad vniformitatem conuerget, cuius celeri-

celeritas debita fit altitudini  $v = b + \frac{bQ}{g} (\sin. \Phi - \frac{1}{v} \cos. \Phi)$ , si quidem fuerit  $\sin. \Phi < \frac{1}{v} \cos. \Phi$  seu  $\text{tang. } \Phi < \frac{1}{v}$ . Si enim angulus  $\Phi$  maior fuerit, ut frictio a sola grauitate oneris superetur, tum etiam si nulla vis  $p$  adesset, motus oneris in infinitum acceleraretur. Atque hoc casu vis  $p$  tamdiu tantum aget, quoad fiat  $v = b$ ; ac deinceps onus a sola grauitate accelerabitur, nisi forte vis  $p$  motui celeriori, a quo ipsa abripiatur, reluctetur; hocque casu fiat negatiua. Quod si eueniat, visque  $p$  negatiuum valorem induat, quando  $v > b$ ; tum acceleratio oneris a propria grauitate orta coercebitur, atque motus ad vniformitatem reducetur celeritate debita altitudini  $v = b + \frac{bQ}{g} (\sin. \Phi - \frac{1}{v} \cos. \Phi)$ . Hoc ergo casu prorsus contrarium accidit, atque in praecedente: dum hic vis, quae corpus initio accelerabat, deinceps in vim retardantem abit, atque effectum grauitatis reprimere debet.







Fig. 3.



Fig. 4.




Fig. 5.




Fig. 6.

